

# **ESTATUTOS DO CLUB “PEÑA CICLISTA BIKESTRADA”**

## **CAPITULO I**

### **NORMAS XERAIS:**

#### ***Artigo 1.-***

O Club **PEÑA CICLISTA BIKESTRADA** é unha Asociación privada con personalidade xurídica e capacidade de obrar, integrada por persoas físicas ou Xurídicas, con personalidade xurídica propia e capacidade de obrar, con domicilio na Comunidade Autónoma de Galicia, que ten como obxecto primordial o fomento e o impulso da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel e destinatario.

#### ***Artigo 2.-***

1º O Club **PEÑA CICLISTA BIKESTRADA** practicará como principal modalidade deportiva a de CICLISMO, e solicitará a ratificación dos Estatutos e a inscricción no Registro de Entidades Deportivas de Galicia, de conformidade coa Lei do Deporte de Galicia.

2º O Club **PEÑA CICLISTA BIKESTRADA** practicará así mesmo as modalidades deportivas de TRÍATLON, e para tal fin funcionarán as seccións deportivas correspondentes, sen prexuízo de que a Asemblea Xeral poida acordar a creación doutras.

#### ***Artigo 3.-***

O domicilio social do Club **PEÑA CICLISTA BIKESTRADA** fíxase en:

**C/Virxinia Pereira nº 4, Ático E, 36680 A Estrada (Pontevedra)**

Teléfono: 665 407 068

Fax: 881 978 682

E-mail: [bikestrada@bikestrada.com](mailto:bikestrada@bikestrada.com)

O presidente cando as circunstancias o aconsellen, poderá acorda-lo cambio do domicilio social dentro da mesma localidade. Para o traslado do domicilio a outra localidade, que deberá ser sempre dentro do territorio da Comunidade Autónoma de Galicia, será necesario o acordo maioritario da Asemblea Xeral Extraordinaria.

En ámbolos casos, o traslado de domicilio social non implicará modificación estatutaria, e terá de ser notificado ós socios, e ó Rexistro de Entidades Deportivas de Galicia.

## **CAPITULO II**

### **CLASES DE SOCIOS, ADMISIÓN, DEREITOS E OBRIGACIÓNS**

#### ***Artigo 4.-***

O número de socios será ilimitado. A Asemblea Xeral poderá suspender, non obstante, a admisión de novos socios cando así o esixan razóns de aforo ou capacidade física das instalacións. Os socios poderán ser das seguintes clases: de número, honorarios, aspirantes e familiares.

#### ***Artigo 5.-***

Son socios de número tódalas persoas maiores de idade, que satisfagan a cota social establecida pola Asemblea Xeral.

Os menores de 18 anos clasificaranse como socios aspirantes, tendo dereito ó uso das instalacións sociais mediante a cota que se fixe e pasarán automaticamente a ser socios de número ó cumpriren a maioría de idade.

Serán socios honorarios aquelas persoas ás que a Asemblea Xeral confira esta distinción e terán un posto de preferencia nos actos oficiais da sociedade.

Son socios familiares todas aquelas persoas que dependan economicamente dun socio de número e convivan con el no mesmo domicilio.

#### ***Artigo 6.-***

##### **1.- Os socios de número terán os seguintes dereitos:**

- a) Contribuír ó cumplimento dos fins específicos da asociación.
- b) Esixir que a Asociación se axuste ó disposto na normativa autonómica deportiva e ó establecido no presente Estatuto.
- c) Separarse libremente da Asociación.
- d) Coñece-las actividade da Asociación e examina-la documentación, previa petición razonada ó Presidente.
- e) Expor libremente as súas opinións no seo da Asociación.
- f) Ser elector e elixible para os órganos de representación o goberno da Asociación, sempre que teña plena capacidade de obrar.

**2.- Son obrigacións dos socios de número:**

- a) Aboa-las cotas que esixa a Asemblea Xeral.
- b) Contribuír ó sostemento e difusión do deporte ou modalidades Deportivas.
- c) Acatar cantas disposicións dite a Asemblea Xeral, A Xunta Directiva ou Presidente, para o bo goberno da sociedade.

**3.- Os socios aspirantes terán dereito a aproveitarse dos servizos e instalacións sociais da Asociación.**

**4.- Os familiares dos socios de número terán dereito a aproveitarse daqueles servizos e instalacións que se determinen, previo pago da cota fixada.**

***Artigo 7.-***

Para ter admitido como socio, en calquera das súas modalidades, será necesario:

- Tela idade sinalada para cada unha delas.
- Solicitud por escrito dirixida ó Presidente.
- Satisfacer a cota de ingreso correspondente.

***Artigo 8.-***

A condición de socio pérdese:

- Por vontade propia.
- Por falta de pago das cotas sociais durante tres meses consecutivos, previo requerimento de pago, e consecuente Resolución do Presidente.
- Por acordo do presidente no seu caso, fundado en faltas de carácter grave, previa audiencia do interesado, que deberá de ser ratificado na primeira asemblea xeral que se celebre.
- Por calquera outra causa establecida na lexislación vixente.

## **CAPITULO III**

### **ÓRGANOS DE REPRESENTACIÓN E GOBERNO**

#### ***Artigo 9.-***

Son Órganos de representación e governo do Club, A Asemblea Xeral e o Presidente.

#### ***Artigo 10.-***

O Presidente é o órgano executivo do Club, posúe a representación legal convoca e preside os órganos de representación e governo executando os acordos destes.

O cargo de Presidente é a título gratuito e carente de interese nos resultados económicos da explotación, por si mesmo ou a través de persoa interposta.

Será elixido mediante sufraxio libre, directo, o igual o secreto por e entre os membros da Asemblea Xeral, cada 4 anos.

#### ***Artigo 11.-***

O presidente cesará por:

- a) Transcorre-lo prazo polo que foi elixido.
- b) Dimisión.
- c) Falecemento ou incapacidade física ou psíquica para continuar no exercicio do seu cargo.
- d) Aprobación dunha moción de censura pola Asemblea Xeral.
- e) Inhabilitación por sentencia xudicial firme ou sanción deportiva.

#### ***Artigo 12.-***

- 1.- Como órgano complementario dos de governo e representación poderá haber unha xunta directiva que actuará como órgano colexiado de xestión do Club, e exercerá as funcións que este estatuto lle confire.
- 2.- Os membros da Xunta Directiva serán designados e revocados libremente polo presidente, debendo dar conta diso na primeira Asemblea Xeral que se celebre. Da mesma formará parte un secretario e un tesoureiro. Tódolos cargos serán gratuitos e carecen de interese nos resultados económicos do Club por si mesmos ou persoa interposta.

**Artigo 13.-**

1.- A Xunta Directiva quedará validamente constituída en primeira convocatoria cando concorran a ela a maioria dos seus membros. En segunda convocatoria será suficiente a concordancia, polo menos, de tres dos seu membros, e en todo caso, do presidente.

2.- A Xunta Directiva convocarase polo Presidente con dous días de antelación como mínimo, á data de celebración.

A Xunta Directiva quedará tamén validamente constituída, cando estean presentes tódolos seus membros, áinda que non houbera mediado convocatoria previa.

3.- En especial corresponde á Xunta Directiva:

- a) Dirixir a xestión do club, velado polo cumprimento do seu obxecto social.
- b) Formular o inventario, memoria e presuposto anual, que se someterá a aprobación da Asemblea.
- c) Aplicar tódalas medidas deportivas, económicas e administrativas precisas para o fomento e desenvolvemento do deporte dentro do Club.

**Artigo 14.-**

O secretario da Xunta Directiva coidará do arquivo da documentación, redactará cantos documentos afecten á marcha administrativa da Asociación e levará o Libro de rexistro de socios e Libro de Actas.

**Artigo 15.-**

1.- O tesoureiro da Xunta Directiva será o depositario da Asociación, asinará os recibos, autorizará os pagos e levará os Libros de Contabilidade.

2.- Será obriga do Tesoureiro formalizar, durante o primeiro mes de cada ano, un balance de situación e as contas de ingresos e gastos, que se porán en coñecemento de tódolos asociados.

**Artigo 16.-**

1.- A Asemblea Xeral é o órgano supremo do goberno do Club e estará integrada por tódolos seus socios de número.

2.- As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concorran a ela a maioria dos deus asociados. En segunda e última convocatoria media hora mais tarde, quedará constituída calquera que sexa o número de membros presente. Entre a data de convocatoria e o día sinalado para aúa

celebración terán de medira, como mínimo, dez días naturais e non poderá transcorrer máis de 20.

**Artigo 17.-**

A Asemblea Xeral convocarase polo Presidente a iniciativa propia ou do vintecinco por cento, ó menos, dos socios de número.

- 1.- A Asemblea Xeral reunirase con carácter ordinarios, previa convocatoria do Presidente, ó menos unha vez ó ano para tratar das seguintes cuestións:
  - a) Memoria, liquidación do presupuesto, balance do exercicio, rendición de contas e aprobación se procede.
  - b) Presuposto para o seguinte exercicio.
  - c) Proxecto e propostas do Presidente ou da Xunta Directiva.
  - d) Proposicións que formulen os socios e que terán de ir asinadas ó menos, polo cinco por cento dos mesmos.
- 2.- Terá que se celebrar Asemblea Xeral extraordinaria para a modificación de Estatutos, elección do presidente, toma de cartos a préstamo, emisión de títulos representativos de débeda ou de parte alícuota patrimonial, enaxenación de bens inmobles e fixación de cotas dos socios, e calquera outro acordo previsto nestes estatutos ou que se estime oportuno polo Presidente ou proceda legalmente.

**Artigo 18.-**

Os acordos da Asemblea Xeral adoptaranse por maioría simple dos presentes, requiriéndose unha maioría cualificada e un *quórum* determinado de asistencia para aqueles asuntos que establezan os estatutos. Serán vinculantes e de obligado cumprimento e terán orza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité galego de Xustiza Deportiva.

## **CAPITULO IV**

### **RÉXIME DOCUMENTAL**

#### ***Artigo 19.-***

O réxime documental do Club, constará dos seguinte libros: Rexistro de Socios, de Actas e Contables.

#### ***Artigo 20.-***

No libro de Rexistro de Socios, terán de consta-los nomes e apelidos dos socios de número, o seu Documento Nacional de Identidade e, no seu caso, os cargos de representación, goberno e administración que exerzan no Club. Tamén se especificaran as datas de altas e baixas, e as de toma de posesión e cese nos cargos aludidos.

#### ***Artigo 21.-***

No libro de Actas, consignaranse as reunións que celebre a Asemblea Xeral e a Xunta Directiva, con expresión da data, asistentes, asuntos tratados e acordos adoptados. As Actas terán de estar asinadas, en todo caso, polo Presidente e o Secretario.

#### ***Artigo 22.-***

Nos Libros de Contabilidade figurarán tanto o patrimonio como os dereitos e obligacións, e ingresos e gastos do Club, debéndose precisa-la procedencia daqueles e a inversión ou destino destes.

### **RÉXIME DISCIPLINARIO**

#### ***Artigo 23.-***

Os órganos e socios do Club estarán sujetos ó regulamento disciplinario do Club e ó disposto no Título VII da Lei 3/2012, do Deporte de Galicia, e a súa normativa de desenvolvemento.

#### ***Artigo 24.-***

Así mesmo o Presidente o os membros da Xunta Directiva responderán fronte os socios, o Club ou terceiros dos prexuízos que ocasionaren por culpa ou negligencia grave, de conformidade coa regulamentación propia do Club e o Ordenamento Xurídico vixente.

## **CAPITULO V**

### **RÉXIME ECONÓMICO-FINANCIERO E PATRIMONIAL**

#### ***Artigo 25.-***

- 1.- No momento da creación do Club deportivo, non existe patrimonio fundacional nin se dispón de instalacións e locais propios.
- 2.- No futuro o patrimonio do Club estará integrado por:
  - a) As aportacións económicas dos socios, que aprobe a Asemblea Xeral.
  - b) As doazóns e subvencións que reciba.
  - c) Os resultados económicos que pode producir as manifestacións físico-deportivas que organice a entidade.
  - d) As rendas, froitos e intereses do seu patrimonio.
  - e) Os vehículos propiedade do club:
    - Furgoneta modelo CITROEN JUMPER matrícula 1955 HPVM, con número de bastidor VF7YBTMRB12394752.
    - Quad modelo YAMAHA KODIAK matrícula E-1728-BCF, con número de bastidor 5Y4AJ08W020500683.

Queda expresamente excluído como fin do Club o ánimo de lucro e a totalidade de seus ingresos e beneficios aplicaranse ó cumprimento dos seus fins sociais.

#### ***Artigo 26.-***

O club poderá gravar e allear bens, mobles e inmobles, tomar diñeiro a préstamo e emitir títulos transmisibles representativos de débeda ou parte alícuota patrimonial, sempre que cumpra os seguintes requisitos:

- 1.- Que se autoricen tais operacións por maioria de dous terzos dos socios presentes ou representados na Asemblea Xeral Extraordinaria.
- 2.- Que ditos actos non comprometan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo se poderá esixir, sempre que o soliciten como mínimo o cinco opor cento dos socios de número, o oportuno ditame económico-actuarial.
- 3.- Cando se trate de gravar ou allear bens, moble e inmobles que foran financiados en todo ou parte, con Fondos Públicos da Comunidade Autónoma será preceptiva a autorización previa do órgano competente da Xunta de Galicia.

***Artigo 27.-***

O club poderá emitir títulos de débeda ou de parte alícuota patrimonial, que serán nominativos.

Os títulos inscribiranse nun libro que levará ó efecto ó Club, no que se anotarán as sucesivas transferencias.

En tódolos títulos constará o valor nominal, a data de emisión, e, no seu caso, o interese e prazo de amortización.

***Artigo 28.-***

Os títulos de débeda só se poderán subscribir polos asociados, e a súa posesión non conferirá dereito algúñ especial ós socios, agás a percepción dos intereses establecidos conforme á lexislación vixente.

***Artigo 29.-***

Os títulos de parte alícuota patrimonial han ser asemade, subscritos polos asociados. En ningún caso estes títulos darán dereito á percepción de dividendos ou beneficios.

***Artigo 30.-***

Os títulos de débeda e parte alícuota patrimonial serán transferidos unicamente entre os que teñan a condición de socios.

**CAPITULO VI**

**REFORMA DOS ESTATUTOS E DISOLUCIÓN DO CLUB**

***Artigo 31.-***

Os presentes Estatutos só se poderán modificar, reformar ou derrogar, por acordo da Asemblea Xeral Extraordinaria convocada a tal efecto, mediante votación favorable dos dous terzos dos socios de número asistentes.

A reforma destes estatutos seguirá, con respecto ó Rexistro Entidades Deportivas de Galicia, os mesmos trámites administrativos que para a súa inscrición.

***Artigo 32.-***

O Club extinguirse ou disolverase por acordo de :

- a) Dos dous terzos dos socios en Asemblea Xeral Extraordinaria, convocada ó efecto
- b) Por sentencia xudicial
- c) Por outras causa legalmente determinadas.

En todo caso haberá de ser notificado ó Rexistro de Entidades Deportivas.

***Artigo 33.-***

Disolvido o Club, o remanente do seu patrimonio social, se houbera, aplicarase a fins análogos de carácter deportivo ben por acordo previo da Asemblea Xeral ou subsidiariamente polo órgano competente en materia de deporte da Xunta de Galicia.

